

20

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T 9297.1100 B



玉海卷第二十

俊儀王應麟伯厚甫

地理

山川

黃帝空桐山

史記紀東至于海西至于空桐帝昭曰在隴右正義曰括地志山在肅州

福祿縣東南六十里古西戎地抱朴子內篇黃帝從

廣成子受自然之經即此山又笄頭山一名空桐山

在原州平高縣西百里顛元云大隴山異名莊子廣

成子學道空桐山黃帝問道在此蓋二處皆云黃帝
登之未登鷄頭南至于江登熊湘北逐葷粥合符釜
山而邑于涿鹿之阿贊予西至空桐北過涿鹿長老

哈佛大學漢和圖書館珍藏印

各稱黃帝堯舜之處風教固殊 莊子黃帝立為天

子聞廣成子在於空桐之上往見之釋文爾雅云北

戴斗極為空同一曰在梁國虞城東三十里司馬云

當北斗下山也 漢武帝元鼎五年冬十月至隴西

登空桐 王元之有空桐山銘

黃帝五山

見羣祀

堯山

前地理志中山國唐縣注堯山在南應劭曰故堯國

也唐水在西張晏曰堯為唐侯國於此堯山在唐東

山川

北望都界望都縣注張晏曰堯山在北堯母慶都山

在南登堯山見都山故以為名 張衡南都賦奉先

帝而追孝立唐祀乎堯山注水經曰南陽縣西堯山

酈元曰魯縣立堯祠於西山謂之堯山

舜十二州山川

舜典肇十有二州封十有二山濬川 程氏曰封表

其山為一州之鎮 夏氏曰封殖十二州之山與其

川而深濬之孔氏以封訓大每州取山之殊大者以

為一州之鎮 胡氏曰川之交會非若山之可以州

別若江出岷山梁州而患在荆揚河出崑崙雍州而

監生周克懷刊
三注卷三
患在徐兗故不言十二

舜歷山

續志濟陰郡成陽有雷澤注帝王世紀舜耕歷山漁雷澤濟陰有歷山河東郡蒲坂注縣南二十里有歷山舜所耕處 **水經**蒲坂注郡南有歷山謂之歷觀舜所耕處有舜井媯汭出水二焉上有舜廟 **曾鞏**曰圖記皆謂齊之南山為歷山

禹九州山

山川名

山川次秩

禹貢莫高山大川序禹別九州隨山濬川正義莫高山大川言禹治九州之水水害既除定山川次秩自

山川

渠岍至嶓冢所治之山首尾相及道弱水至洛所治之水發源注海定其次秩尊卑使知祀禮所視山高者莫高於岳川大者莫大於瀆五岳嵩岱衡華常四瀆江河淮濟舜典云望秩山川故言定其差秩王制云五岳視三公四瀆視諸侯其餘視伯子男荆岐既旅蔡蒙旅平九山刊旅是次秩既定故旅祭之九州之次以治為先後治水皆從下為始冀州帝都於九州近北故首從冀起自兗已下皆準地之形勢從下向高從東向西雍地最高故在後此經大體每州之始先言山川後言平地青梁先山後川徐雍先川後

嘉靖真戎年

二母夫二

三

山充揚荆豫有川無山揚豫不言平地史以大畧為文冀州之分言及雍州之山從東循山治水而西故

也班固漢書地理志據前漢郡縣言山川所在禹貢分州

又以山川定經界州縣之設呂刑禹平水土主

名山山川注禹治洪水山川無名者主名之史記夏

本紀禹乃行相地宜所有以貢及山川之便利禹行

自冀州始漢張騫傳贊言九州山川尚書近之矣

至禹本紀山經所有放哉史大宛轉同又曰所有怪物余不敢言之也

爾雅從釋地已下至九河皆禹所名也莊子天下

篇墨子曰禹湮洪水決江河通四夷九州名川三百

支川二千小者無數 冀之壺口梁岐岳陽碣石雷

首底柱析城王屋太行常山大伾青之岱萊徐之蒙

羽嶧陽揚之敷淺原荆之荆衡内方大别豫之熊耳

外方桐柏陪尾梁之華陽岷嶓蔡蒙雍之荆岐終南

厚物鳥鼠三危積石龍門岍西傾朱圉華陰此九州

之山也冀之衡漳常衛孟津降沆充之九河雷夏灘

沮濟漂青之濰淄汶徐之淮沂泗大野揚之彭蠡三

江震澤荆之江漢九江沱潛雲夢滄浪三澨澧豫之

伊洛瀍澗滎波蒗澤孟猪梁之黑水巨沔雍之西河

弱水涇渭漆沮澧此九州之川也每州言境內之山

月頃

川又聯貫首尾從西而東以著自然之形勢先隨山而後濬川自導岍至敷淺原皆導山之事自導弱水至導洛凡九條皆導水之事自北而南言山以為水之經言水以為山之紀九山刊旅九川滌源九澤既陂四海會同禹功之全可見矣

禹九江 九水 九江圖

禹貢荆及衡陽惟荊州江漢朝宗于海九江孔殷注江於此州界分為九道甚得地勢之中釋文尋陽地記曰禹疏九江一曰烏白江二曰蚌江三曰烏江四曰嘉靡江五曰吠江六曰沙源江七曰廩江八曰堤

江一作九曰箇江一作張湏元緣江圖云一曰三

江二曰五州江三曰嘉靡江四曰烏土江五曰蚌江

六曰白鳥江七曰箇江八曰沙提江九曰廩江參差

隨水長短或百里或五十里始於鄂陵終於江口會

于桑落洲太康地記曰九江劉歆以為湖漢九水入

彭蠡澤也正義傳以江是此水大名九江謂大江分

而為九猶大河分為九河鄭云九江從山谿所出其

孔衆多言治之難也鄭意九江名自別源其源非大

江也下流合於大江耳應劭注地理志云江自潯陽

分為九道符於孔說潯陽記有九江之名烏塗為白

江

嘉靡畎源廩提菌雖名起近代義或當然韻略江為所導凡有九水大意自北為始弱水最在西北水又西流故先言之黑水雖在河南水從雍梁西界南入南海與諸水不相參涉故又次之四瀆江河為大河在北故先言河也漢入于江故先漢後江其濟發源河北越河而南與淮俱為四瀆故次濟次淮其渭與洛俱入于河故後言之流水多矣此舉大者言耳弱黑沈水不出于山其餘六水文與山連不言水積石山非河上源記施功之處淮渭洛言自某山皆是發源一夏本紀九江甚中注鄭元曰地理志在壽

陽南皆東合為大江崇隱曰張氏九江圖所載有三星五畎烏土白蚌河渠書太史公曰余南登廬山觀禹跡九江漢志蜀郡湔氐道注禹貢嶧山在西徽外江水所出東南江都入海過郡七行二千六百六十里廬江郡尋縣注禹貢九江在南皆東合為大江江九江郡注應劭曰江自廬江尋陽分為九文選江賦源二分於岷嶽流九派乎潯陽注尚書曰荆淮南子禹鑿江而通九路曾氏曰沈漸元辰叙西湘資醴水皆合洞庭中東入于江是為九江導江曰過九江至于東陵今之巴陵巴陵之上即洞庭也因

元水所合遂名九江水經九江在長沙下雋西北楚

北記曰巴陵瀟湘之淵在九江之間夏氏平書說

水經引庾仲雍江記選洞簫賦注引江圖選詩

五卷尋江源記一卷唐志釋道安四海百川水源記

一卷張氏江圖一卷劉氏江圖二卷唐志

張容九江新舊錄三卷

文選注周書曰禹濼七十川大剗天下子高親

自操橐耜而九雜天之川

禹三江

禹貢淮海惟揚州彭蠡既豬陽鳥攸居三江既入震

澤底定釋文章昭曰三江謂吳松江錢塘江浦陽江

也吳地記云松江東北行七十里得三江口東北入

海為婁江東南入海為東江并松江為三江庾仲初賦

注同正義孔傳云自彭蠡江分為三入震澤

遂為北江入海鄭元以為入于海不入震澤今南人

以大江不入震澤震澤之東別有松江等三江史

記夏本紀三江既入注索隱曰按地理志有南江中

江北江是為三江其南江從會稽吳縣南東入海即

也中江從丹陽蕪湖東北至會稽陽羨縣東入海北

嘉靖乙卯年

江從會稽毗陵縣東北入海故下文東為中江又東為北江孔安國云有北有中南可知也正義吳郡東南三十里名三江口一松江古笠澤一上江亦日東江一下江亦婁江周禮職方氏揚州其川三江疏江至尋陽南合為一東行至揚州入彭蠡復分為三道入海漢地理志注師古曰三江謂北江中江南江也震澤在吳西即具區也溝洫志於吳則通渠三江五湖管子夏人之王外鑿二十蚩滌十七湛疏三江鑿五湖道四涇之水以商九州之高以治九數民乃知城郭門閭室屋之築而天下化之荀子

山川

成相禹有功抑下鴻北决九河通十二渚疏三江淮南子舜乃使禹疏三江五湖闢伊闕導瀍澗經南江東北為長瀆歷河口東南注于具區謂之五湖口東則松江出焉謂之三江口又曰五湖水音分蘇氏曰豫章江入彭蠡而東至海為南江岷山江之經流會彭蠡以入海為中江漢自北入江匯于彭蠡以入海為北江三江入海則吳越始有可宅之士而水所鍾者獨震澤而已禹貢正義孔意江從彭蠡分分為三乃入海蘇氏破其說謂安國未嘗南遊曾氏曰考於地志豫章之川如彭水鄱水塗水之類凡九水合於湖漢東至彭

蠡入江此九水蓋南江也南江乃江之故迹非禹所
 導禹導漢水入焉與舊江合流而水之派分為南北
 故漢為北江又導岷山之江入焉其流介乎二江之
 中故為中江南江乃故道故經不志夏氏取曾說
 葉氏曰漢至大別南入于江為南江與中江北江為
 三 蔡氏曰庾仲初吳都賦注松江下七十里分流
 東北入海者為婁江東南流者為東江并松江為三
 江其地今亦名三江口吳越春秋所謂范蠡乘舟止
 三江之口者是也吳越春秋以三
江為浙浦陽剡 諸家各指近震
 澤諸江為三江蘇氏指秣陵京口一江為三江按今

山川

大江所行以求三江猶按漢大河所行以求九河其
 不可得明矣

山海經浙江出三天子都在其東在閩西北入海餘
 暨南廬江出三天子都鄣天入江彭澤西

禹九山

禹貢九山刊葉旅注九州名山已槎木通道而旅祭

史記道九山沂及岐至于荆山正義九州之山謂

沂壺口砥柱太行西傾熊耳嶧冢內方汶索隱曰岍

壺口砥柱太行西傾熊耳嶧冢內方岐是九山也古

分為三條故地理志有南北條之荆山馬融以岍為

北條西傾為中條。嶧冢為南條。鄭康成分四列。岍為陰列。西傾次陰列。嶧冢為次陽列。岍山對正陽列。禹貢正義。禹蘇王肅皆為三條。陳氏曰。岍岐之列。河濟所經。西傾之列。伊洛淮渭所經。嶧冢之列。漢水所經。岍山北列。江水所經。孔注。岍西傾。壺口底。在具熊耳。豫嶧冢。岍系內方。荆疏太行。在河內郡。山海經。禹曰。天下名山。五十六。居地六萬四千五百六十七。出銅之山四百六十七。出鐵之山三千六百九十。管子同。周語。禹封崇九山。漢溝洫志。禹通九道。陂九澤。度九山。文選。子虛賦。注。張揖曰。

禹為堯司空。辯九州名山。別草木。蘇氏曰。地之有山。猶人之有脉。有近而不相連。有遠而相屬。雖江河不能絕。自蒙恬始言地脉。鄭氏以為四列。一行以為兩戒。

禹九川

禹貢九川。滌源。注。九州之川。禹貢九州之水。曰浮曰達。曰入曰公。曰逾曰至。

曰亂曰匯曰迤曰溢曰流曰別曰道曰澤。益稷禹曰。被曰會曰過曰同。九州之澤曰指曰澤。

予決九川。距四海。注。決九州名川。通之至海。史記。

道九川。弱水至于合黎。注。索隱曰。弱黑河。潏江。沅淮。

滑雒為九川。周語。禹決汨九州。劉子見河雒而。

思禹功。管子地數篇地之東西二萬八千里南北二萬六千里其出水者八千里受水者八千里。賈誼新書禹曰鬢河而導之九牧鑿江而導之九路。治水有兩端川流畎澮轉相入以達于海使之有所歸也或不可達海則指數百里之地因其執以為澤使之有所容也衆水皆東而弱水獨西黑水獨南因其執之不得不然行其所無事也。

禹四瀆

史記湯還亳作湯誥曰古禹臯陶久勞于外其有功于民民乃有安東為江北為濟西為河南為淮四瀆

既修民乃有居 封禪書武帝詔昔禹疏九江決四瀆

禹貢正義四瀆江河為大河在北故先言河漢

入于江故先漢後江濟發源河北越河而南與淮俱

為四瀆故次濟次淮 江出岷山濟出王屋山河出

崑崙而後至積石淮出胎簪山而後至桐栢 酈道

元謂東南地卑萬水所湊觸地成川故川舊瀆難以

為憑然則禹迹不可考者多矣 天文五潢地圖四

瀆

禹龍門山

水經又南出龍門口注魏土地記曰梁山北有龍門

山大禹所鑿通孟津河口廣八十步巖際鐫跡遺功尚存岸上並有廟祠祠前有石碑三所二碑不可識一碑太和中立

史記正義龍門山在徐州龍門縣

括地志云龍門在同州韓城縣北五十里其山更黃

河夏禹所鑿者也龍門山在夏陽縣

禹貢正義地

理志云龍門山在馮翊夏陽縣北此山當河之道禹

鑿以通河東郡之西界也

吳越春秋禹周行寓內

東造絕迹西延積石南踰赤岸北過寒谷徧崑崙察

六扈脉地理各金石寫流沙於西隅決弱水於北漢

青泉赤淵分入洞穴通江東流至於碣石疏九河於

潛淵開五水於東北鑿龍門闢伊闕平場相土觀地

分州

禹七十川

陂塘

文選木華海賦禹乃鏗臨崖之阜陸決陂潢而相沃

注淮南子曰禹有洪水之患陂塘之事啓龍門之峯

嶺壘陵蠻而斬鑿群山既畧百川潛滌

注周書曰禹

滌七十川大利天下

商傳巖

說命說築傳巖之野注傳氏之巖在虞虢之界通道

所經有澗水壞道常使胥靡刑人築護此道說賢而

隱代胥靡築之以供食 呂溫有銘

周九州山川 九藪 夏九藪 禹九澤

禮夏官職方氏辨九州之國使同貫利東南曰揚州
其山鎮曰會稽其澤藪曰具區其川三江其浸五湖
正南曰荊州其山鎮曰衡山其澤藪曰雲菅其川江
漢其浸潁湛河南曰豫州其山鎮曰華山其澤藪曰
圃田其川滎雒其浸波澨正東曰青州其山鎮曰沂
山其澤藪曰望諸其川淮泗其浸沂沐河東曰兗州
其山鎮曰岱山其澤藪曰大野其川河汭其浸盧維
當為正西曰雍州其山鎮曰嶽山注吳嶽也其澤藪曰弦

蒲其川涇汭其浸渭洛東北曰幽州其山鎮曰醫無
閭其澤藪曰嵯養其川河泚其浸菑時河內曰冀州
其山鎮曰霍山其澤藪曰楊紆其川漳其浸汾潞正
北曰并州其山鎮曰常山其澤藪曰昭餘祁其川虜
池嘔夷其浸涑易注鎮名山安地德者也大澤曰藪
凡九州及山鎮澤藪言曰者以其非一曰其大者耳
正義九州皆有鎮所以安地德 山師掌山林之名
川師掌川澤之名 地官土訓掌道地圖注說地圖
九州形勢山川所宜告王以施其事 澤虞云云注
澤水所鍾水希曰藪禹貢曰九澤既陂爾雅有八藪

疏爾雅藪在釋地之篇不入釋水職方澤藪以其有水則為澤無水則為藪禹貢九澤通畿內一州則有九爾雅云八藪除畿內一州而言案爾雅釋有十者以周秦同在雍州秦有楊紆周有焦穫一州有二故十又爾雅秦有楊陝職方異州有楊紆蓋異所而同名也 爾雅釋地十藪魯有大野晉有大陸秦有楊陝宋有孟諸楚有雲夢吳越之間有具區齊有海隅燕有昭余邾鄭有圃田周有焦護 管子輕重戊夏人之王云云以商九州之高以治九藪 爾語伯禹釐改制量其之從孫四岳佐之高高下下疏川道滯

山川

鍾水豐物封崇九山決汨九川陂障九澤豐殖九藪汨越九原宅居九隩合通四海 馬融傳融上寅成頌曰犁斂九藪之動物緹橐四野之飛征注周禮職方氏掌九藪注云澤無水曰藪 呂氏春秋九藪越之具區楚之雲夢秦之陽華晉之大陸梁之圃田宋之孟諸齊之海隅趙之鉅鹿燕之大昭 淮南子曰秦之陽紆燕之昭 左傳四嶽三塗陽城大室荆山中南九州之險也 地理志注臣瓚曰汲郡古文梁惠王發逢忌之藪以賜民

周國都山川

夏官掌固凡國都之竟有溝植之固郊亦如之民皆有戢焉若有山川則因之注山川若穀臯河漢疏謂穀有二陵東城臯楚國漢水以為池河為四瀆之險又齊西有濁河皆因之為固

周岐山

選注說文曰岐山在長安西美陽縣界山有兩岐因以名焉周語內史過曰周之興也鸞鷲鳴于岐山

縣詩箋

周之原地在岐山之南

閔宮言大王居岐山之陽

漢

志右扶風美陽縣注岐山在西北中水鄉周大王所邑詩譜函在岐山之北史記正義括地志云岐

山岐

岐山縣東北

同名

詩

周

中

史記傳

騶衍作十餘

萬言

列中國名山大川

推及海外云九州各有禪

有禪

海環

大

淮南

會稽泰山王屋首山太華

選注抱朴子曰聞鄭君言道

岐

立門

選注抱朴子曰聞鄭君言道

善之重莫尚於三皇文

五岳真形圖遁甲開山圖曰

有巨靈胡者編得坤元之道能造山川出江河

孔子記山川

中庸注此孔子兼包堯舜文武之盛德而著之春秋述天時謂編年四時具也因水土謂記諸夏之事山川之異

秦五領

張耳傳秦北為長城之役南有五領之戍法師古曰領者西自衡山之南東窮于海一山之限耳而別標名有五裴氏裴一云廣州記云大庾始安臨賀桂陽揭陽是為五領鄧德明南康記曰大庾領一也桂陽騎田領二也九真都龐領三也臨賀南潯領四也始安越城領五也裴說輿地志是也今名大庾二曰騎田二曰都

龍四曰萌諸
五曰越嶺

漢郡縣山川 詩書山川 郡縣山川風俗

叙傳三代損益降及秦漢革刻五等制立郡縣畧表

山川彰其剖判 地理志先王之迹既遠地名又數

改易是以采獲舊聞考迹詩書推表山川以綴禹貢

周宮下及戰國秦漢 續志漢志記郡縣本末及山

川奇異風俗所由至矣 禹貢疏班固作漢書地理

志據前漢郡縣言山川所在 又曰地理志云禹貢比

南南條荆山在南郡臨沮縣東北是舊有三條之說也故馬融王肅皆為三條導岍北條西傾中條番冢

嘉靖庚戌年

三

二

南條鄭元以為四列導岍為陰列西傾為次陰列嶓
冢為次陽列嶧山為正陽列鄭元創為此說孔亦當
為三條也 三輔其山驪華梁荆九夔岐沂終南厚物其
川沂霸洛渭酆滹漆杜弦蒲沂芮褒斜弘農河東太
原上黨其山熊耳雷首析城王屋霍壺口鹿谷羊頭
其川伊育澗維汾晉丹絳昭餘祁虜池漳沁河內至
南陽七郡則有太行大駮太室陽城高陵中陰桐柏
之山淇蕩圃田漚漯逢忌泐濮洧潁汝澧之川南郡
至常山十郡則有荆內方陪尾天柱常山九江廬江
淮肥清河沮常之川及大壑大陸靈夢荷雷之澤清
河而下齊魯燕之分也山則秦岱原蒙羽澤之罟壺

萊川則汶維留時洙泗膠沂涑易術會稽而下吳楚
粵之境也山則歷會稽天門武林傳易九疑川則具
區三江彭蠡以至鰲漢沔之在漢中嶧蒙江沱之在
蜀郡烏鼠嶓冢西傾養水之在隴西揭石無慮遼沛
沮夏之在右北平武都遼東若金城之積石天水之
朱圉長沙之衡六安之大別皆禹貢所紀之山也張
掖之流沙安定之涇武威之豬壘梁之盟諸信都之
絳皆禹貢所紀之川也若考迹詩書扶風之郁夷芮
阮魏之淇浚河汾溱洧之於鄭巖之於齊則考之詩
者也吳山之為沂太一之為終南崇高之為外方章

山橫尾之為內方陪尾葛嶧傳易之為嶧陽傳淺源
 具區震澤之異名居延流沙之殊稱則考之書者也
 奚養之澤參諸秦地之圖鬲津淮漯絳易汶弱水訂
 諸平當桑欽之說其采獲舊聞又若此繫水土之風
 氣謂之風隨君上之情欲謂之俗風俗見上郡國春秋正
 義地理志以風為本俗為末言聖王必移本而易末
 廣谷大川異制民生其間異俗剛柔輕重遲速異
 齊器械異制衣服異宜顧豐水洛汭而思平水之
 功瞻陽城中南而監恃險之失良兼兌麗具載諸
 書卷石勺水氣積形生鴻濛喋我

山川

漢武之世凡五嶽盡在天子之郡而不隸候

漢上林八川

哥馬相如傳上林賦不聞天子之上林乎
 若西極丹水更其南紫淵經其北始霸產
 渭鄭鑄渣瀆紆餘委蛇經營其內蕩蕩乎八
 指者吳態東西南北馳騫往來出乎椒丘之
 洲於之浦徑乎桂林之中過乎泱莽之楚
 順阿而下赴隘隘之口觸穹石激堆埼云云
 湖新開所賦漢書行溢陂池注師古曰霸水出藍田
 谷西北入渭產水亦出藍田谷北至霸陵入霸涇水

出安定涇陽開頭山東至陽陵入渭渭水出隴西首
陽縣為鼠同穴山東北至華陰入河張揖曰澧水出
鄂南山澧谷北入渭鎬在昆明池北澧行澧也澧水
出南山師古曰澧音牢亦水名出雲縣西南山澧谷
其流入于渭地理志鄂縣有澧水北過上林苑入渭
產澧水澧水出雲縣西南山澧谷其流入于渭地理志鄂縣有澧水北過上林苑入渭
言雲勇
有甚然

漢河源

張騫傳漢使使窮河源天子案古圖書名河所出山
曰崑崙曰崑崙山崑崙山出崑崙崑崙高二千五百

里餘日月相避隱為光明自騫使大夏之後
惡睹所謂崑崙者乎注鄧展曰尚書道河積
出於積石在金城河關不言出崑崙也
後漢西域

博河有兩源一出葱嶺東流一出于閩南山下
與葱嶺河合東注蒲昌海一名鹽澤去玉門三百餘

里出於積石為中國河班固傳西邊河源注河
源在崑崙山通典張騫實不見河源徒見兩水入

蒲昌海耳吐蕃自言崑崙在國之西南即河所出也
水經崑崙墟在西北河水出其東北際又出海外

南至積石山下有石門河水冒以西南流河水又南

入葱嶺山其一源出于闐國南山北流與葱嶺河合
 東注蒲昌海又西北流注于河注河水重源有三非
 為二也涼土異物志曰葱嶺之水分流東西西入大
 海東為河源禹記所云崑崙者焉張騫使大宛而窮
 河源謂極於此而不達於崑崙河水重源又發于西
 塞之外出於積石之山按山海經自崑崙至積石一
 千七百四十里

唐西域傳李靖破吐谷渾望積石

覽觀河源唐劉元鼎使吐蕃自成紀西南出塞二千

而謂之崑崙河相傳隱崑崙測其地在南與積石西

觀河源史記正義括地志河州有小積石山即禹

貢浮於積石至龍門者然黃河源從西南下出大崑
 崙東北隅東北流經于闐入鹽澤即東南潛行入吐
 谷渾界大積石山又東北流至小積石山河始闔圖
 云黃河出崑崙崙東北角剛山東自北行千里折西行
 于浦山南流千里至父山東流千里至秦澤西流千
 里至潘澤陵門東北流千里至華山之陰東南流千
 里至下津然河水九曲其長九千里入渤海爾雅云
 河出崑崙崙虛其色黃百里一小曲千里一曲一直

史記索隱案山海經河出崑崙崙東北隅西域傳云南
 出積石山為中國河積石本非河之發源河源本崑

崙而潛流至于闐又東流至積石始入中國則山海經及禹貢各互舉耳 禹貢正義河行塞外東北入塞內積石非河之源故云河所經河從西來至此北流故禹公河流而北 爾雅釋文案山海經云東望洶澤河水之所潛也圖讚云崑崙三層號曰天柱實惟河源水之靈府 唐志賈耽吐蕃黃河錄四卷 呂氏曰河源遠出絕域禹不窮其所至故導河止自積石 積石雍州之山在金城西南先儒以為河之所經則非河源明矣 導淮曰自桐柏渭曰自鳥鼠洛曰自熊耳導河獨不言自豈非源之所自出或未究歟

山川

山川

漢祁連山

霍去病傳上曰票騎將軍涉鈞耆濟居延遂臻小月氏攻祁連山揚武乎鱒得注師古曰祁連山即天山也匈奴呼天為祁連 叙傳西規大河列郡祁連注 張晏曰置郡至祁連山 紀元狩二年夏將軍去病公孫敖出北地二千餘里過居延注師古曰居延匈奴中地名張掖所置居延縣以安處所獲居延人而置此縣 天漢二年夏五月貳師將軍三萬騎出酒泉與右賢王戰于天山注師古曰即祁連山也 匈奴傳其夏票騎將軍復與合騎侯數萬騎出隴西北地

二千里過居延攻祁連山得胡首虜三萬餘級裨小王以下十餘人通典元和志於張掖縣既著祁連山矣而伊西庭三州皆有此山則是自其張掖而西至于庭州相去三千五六百里而天山皆周徧其地亦廣長矣去病至祁連山武帝數其功曰云云小月氏者河西四州皆是也而鯨得地理志作鯨得乃張掖之屬縣則此之所攻祁連者固在張掖矣至天漢二年貳師出酒泉又擊右賢王于天山酒泉肅州也

漢八藪

嚴助傳淮南王安上書天子之兵有征無戰陛下以

四海為境九州為家八藪為囿江漢為池注師古曰八藪謂魯有大野晉有大陸秦有陽紆宋有孟諸楚有雲夢吳越之間有具區齊有海隅鄭有圃田

漢水經 山經水志

隋志水經三卷郭璞注

唐志桑欽三卷

舊志云郭璞撰

道元注四十卷

後魏人字善長博采地志窮述水原道元好學歷覽奇書撰注水經四

十卷書目同

李吉甫刪水經十卷

自河水至斤江水河

潔汾滄凍文原洞晉湛濟清沁淇蕩洹漳易寇聖巨馬濕沽鮑丘濡遼沮洛穀甘漆澹洹渭漾丹汝潁滙潩漕陰汲睢匏子汶泗沂沐洋淄汶濰膠沔潛湍均

粉白泚淮潢涇灑瀕濩澗滂決泚泄肥施沮漳
 夏美涪潼涪江青衣巨若沫延江沅酋存温淹葉榆
 夷油澧沅浪資漣湘灘溱匯深鍾耒沫澆瀏潁贛廬
 漸江斤江非經水常流不在記注之限末卷載禹貢
 山水澤地所在凡六十 道元序曰昔大禹記著山
 海周而不備地理志所錄簡而不周尚書本紀與職
 方俱畧 唐六典注桑欽水經所引天下之水百三
 十七江河在焉酈善長注引枝流 漢地理志引桑
 欽之說於上黨曰絳水出西南於平原曰漂水所出
 泰山丹陽之汶水淮水煌郡之魚澤效穀張掖曰弱

水自此至酒泉合黎中山曰易水出西北東入滹
 通典云水經不詳所撰者名氏亦不知何代之書經
 云壽張光武更名臨濟安帝更名湖陸章帝更名永
 安順帝更名故知順帝以後纂序也詳水經所作殊
 為詭誕按後漢志濟水王莽時因旱渠塞不復截河
 南過既順帝所撰都不詳悉景純注解踈畧亦多迂
 怪經云河出崑崙山者出於禹本記山海經云南入
 葱嶺及出于闐南山者出於漢書西域傳而酈元所
 注亦引禹記山經釋法明遊天竺記釋氏西域記後
 代纂錄者務廣異聞如范曄叙廩君盤瓠之類撰水

經者亦同蔚宗之旨趣又云是和帝以後所撰經云武侯壘

又云魏興安陽縣注云諸葛武侯所居魏分漢中立

魏興郡又改信都從長樂則晉大康五年事也然則

非後漢人所撰隋志不言桑欽晁志云漢桑欽撰

成帝時人前儒林傳古文尚書全漢地理志注文

選注史義正義引水經後漢注引水經注後漢蠻

夷傳論漢氏征伐戎狄云云著自山經水志者亦畧

及焉唐志有僧道安四海百川水源記一卷

漢雍州山川

又見羣羊記

西都賦漢之西都在於雍州實曰長安左據函谷二

山川

嶠之阻表以太華終南之山右界褒斜隴首之險帶

以洪河涇渭之川睠秦嶺戰北阜挾灃灃據龍首

溝洫志左右內史地名山川原甚衆水經注潘岳

關中記曰關中有涇渭灃灃灃鄠漆沮之水

漢太一山

西京賦於前則終南太一隆嶠崔嵬隱赫鬱律連岡

乎嶠冢抱杜含鄠欲灃吐鎬注漢書曰太一山古文

以為終南五經要義曰太一一名終南山在扶風武

功縣蓋終南南山之總名太一一山之別號耳選

注引班固終南山賦

蜀二江

漢溝洫志於蜀則蜀守李冰鑿離隄避沫水之害穿
 二江成都中蜀志秦宓曰蜀有汶阜之山江出其
 腹帝以會昌神以建福故能沃野千里淮濟四瀆江
 為其首此其一也禹生石紐今之汶山郡是也禹疏
 江決河東注于海為民除害功莫先者此其二也天
 帝布治房心決政參伐參伐則益州分野三皇乘祗
 車出谷口今之斜谷是也蜀都賦帶二江之雙流
 水經注沫水自蒙山至南安而溷崖水脉漂疾害
 舟船李冰發卒鑿平溷崖即離隄通正水路開處即冰

山川

所穿也

風俗通秦昭王使冰為蜀守開城都兩江

溉田萬頃

狄遵度鑿二江賦

唐十道名山大川

地理志太宗因山川

舊志云山河形便分天下為十

道

正觀元年三月十日

一曰關內道其名山太白九峻吳岐梁

華其大川涇渭灞滻二曰河南道其名山三嶠少室

砥柱蒙嶧嵩高太岳

六典嵩二岳

其大川伊洛汝潁沂泗

淮濟三曰河東道名山雷首介霍五臺六典其大川

汾沁丹潞

六典汾丹沁

四曰河北道其名山林慮白鹿封

龍井陘碣石常岳其大川漳淇呼沱五曰山南道其

嘉靖庚戌年

三海卷二

三

名山嶓冢熊耳銅梁巫荆峴六典其大川巴漢沮洳六曰隴右道其名山秦嶺隴坻鳥鼠同穴朱圉西傾積石合黎崆峒三危其大川河洮弱羗休屠之澤七曰淮南道其名山瀟天柱羅塗八六典又有其大川滁肥巢湖八曰江南道名山衡廬茅蔣天目天台會稽四明括蒼縉雲金華大庾武夷其大川湘贛沅澧浙江洞連彭蠡太湖九曰劔南道其名山岷峨青城鶴鳴其大川江涪雒西漢十曰嶺南道其名山黃嶺靈州其大川桂鬱天寶五載正月詔天下山水名稱或同義且不經多因里韋令所司據圖籍改定

水經注劉澄之著永初山川記

唐山河兩戒

唐天文志李淳風漢書度數而一行以為天下山河之

象存乎兩戒漢天文志元封中星孛于河戒占曰南

牛南戒又曰積薪在北戒北戒自三危積石負終南

地絡之陰東及太華逾河並雷首底柱王屋太行北

抵常山之右乃東循塞垣至濊貊朝鮮是謂北紀所

以限戎狄也南戒自岷山嶓冢負地絡之陽東及太

華連商止熊耳外方桐柏自上洛南逾江漢攜武當

荆山至于衡陽乃東循嶺徼達東甌閩中是謂南紀

所以限蠻夷也故星傳謂北戒為胡門南戒為越門
河源自北紀之首循雍州北徼達華陰而與地絡相
會並行而東至太行之曲分而東流與涇渭濟瀆相
為表裏謂之北河江源自南紀之首循梁州南徼達
華陽而與地絡相會並行而東及荆山之陽分而東
流與漢水淮瀆相為表裏謂之南河故於天象則弘
農分陝為兩河之會五服諸侯在焉自陝而西為秦
涼北紀山河之曲為晉代南紀山河之曲為巴蜀皆
負險用武之國也自陝而東為成周宋鄭陳蔡邲衛
申隨皆四戰用文之國也北紀之東至北河之北為

邢趙南紀之東至南河之南為荆楚自北河下流為
三齊北燕自南河下流為鄒魯吳越皆負海之國貨
殖之所阜也自河源循塞垣北東及海為戎狄自江
源循嶺徼南東及海為蠻越觀兩河之象與雲漢之
所始終而分野可知矣自南正達於西正得雲漢升
氣為山河上流自北正達于東正得雲漢降氣為山
河下流陬訾在雲漢升降中居水行正位故其分野
當中州河濟間星紀得雲漢下流百川歸焉析木為
雲漢末派山河極焉斗杓謂之外廷以治外故鶉尾
為南方負海之國斗魁謂之會府以治內故陬訾為

中州四戰之國其餘列舍在雲漢之陰者八為負海
 之國在雲漢之陽者四為四戰之國降婁元枵負東
 海歲星位焉星紀鶉尾負南海熒惑位焉鶉首實沈
 負西海太白位焉太梁析木負北海辰星位焉鶉火
 太火壽星豕韋為中州鎮星位焉以七宿之中分四
 象中位自上元之首以度數紀之而著其分野其州
 縣雖改隸不同但據山河以分爾七國并石分十二
 分野張衡蔡邕以
 南戒一曰陽門亦曰越門北河為北戒一曰陰門亦
 曰胡門南戒間三光之常道也朝鮮之按星第于河

界

禹貢正義地理志云禹貢北條荆山在馮翊懷

德縣南南條荆山在南郡臨沮縣東北是舊有三條

之說後漢天文志注星經曰歲星主泰山徐青兗

州熒惑主霍山揚荆交州鎮星主嵩高山豫州太白

主華陰山涼雍益州辰星主常山冀幽并州玉衡九

星主六十郡九州第一星主徐凡五郡二主益凡七

郡三主冀八郡四主荆五郡五主兗八郡六主揚六

郡七主豫五郡八主幽八郡九主并八郡周禮保

章氏疏春秋緯文耀鉤云布度定記分州繫象華岐

以龍門積石至三危之野雍州屬魁星犬行以東至

監生陸培枝刊
碣石王屋砥柱冀州屬樞星三河雷澤東至海岱以
北兖州青州屬機星蒙山以東至南江會稽震澤徐
揚之州屬樞星大別以東至雷澤九江荊州屬衡星
荆山西南至岷山北嶇鳥鼠梁州屬開星外方熊耳
以至泗水陪尾豫州屬樞星此九州屬北斗星有七
州有九但兖青徐揚并屬二州故七星主九州也
李吉甫郡縣志序天漢萌而兩戒分南宮正而五均
叙 崇文總目開元分野圖一卷

唐天下水泉

六典水部掌天下川瀆陂池之政令以導達溝洫堰

山川

決河渠凡天下水泉三億三萬三千五百五十有九
其在遐荒絕域殆不可得而知矣其江河自西極連
于東溟中國之大川也其餘百三十有五是為中川
標醜冰憚所賦其千二百五十有二水斯為
小川鱗善張注冰融冰其文若渭洛汾濟漳淇淮漢
皆亘達方域通濟船艦徒有之無利於生人凡水有
溉灌者碾磴不得與爭其利仲春通溝瀆立隄防孟
冬而畢凡用水自下始舊史月

唐駐蹕山

見紀功類

敬播從太宗伐高麗而帝名所戰山為

駐蹕猶謂人曰蹙與不復東矣所以名蓋天意也其
後果然

呂氏春秋九山會稽太山王屋首山太華岐山太行

羊腸孟門六川河水赤水遼水黑水江水淮水

海經五藏山經五篇大凡一萬五千五百三字

書注尸佼作書二十篇一篇言九州險阻水泉所起

十九篇陳道唐吳均天柱觀記太史公稱太荒之

內名山五千其在中國有五岳作鎮羅浮括蒼黃十
山為之佐命其餘不可詳載

鄭樵曰州縣之設有時而更山川之形千古不易所
以禹貢分州必以山川定經界使兗州可移而濟河
之充不能移使梁州可遷而華陽黑水之梁州不能
遷是故禹貢為萬世不易之書後之為史者主於州
縣故州縣移易而其書遂廢矣

戶口

民數為國之本庶事所自出以分田里令貢賦造器用制祿食起田役作軍旅國以建典家以立度五禮用脩九刑用措今之為政戶口漏於國版夫家脫於聯伍姦心生而偽端作嚴刑峻令不能

救

禹民口 周民口

後郡國志注帝王世紀禹平水土為九州民口千三百五十五萬三千九百二十三人周公相成王致治刑錯民口千三百七十一萬四千九百二十二人多

禹十六萬一千人周之極盛也地十倍而民居其一故設有餘而地力不

耗東遷三十餘載至齊威公二年周莊王十三年五

千里內非天王之御自世子公侯以下至於庶民凡

千一百八十四萬七千人定受田者九百萬四千人

至于戰國蘇張計秦及山東六國戎卒尚踰五百餘

萬推民口數當千餘萬通典同

周民數

禮天官小宰聽閭里以版圖

注戶籍地圖鄭司農云今時鄉戶籍

謂之司書掌邦中之版知田野夫家之數

地官大

司徒掌衆民之數小司徒掌四郊都鄙夫家九比之

數頒比灋於六卿大夫各登其鄉之衆寡以歲時入

其數均土地稽人民周知其數三年大比鄉師以國

比之灋稽夫家衆寡鄉大夫以歲時登其夫家之衆

寡以歲時入其書閭師掌國中及四郊之人民之數

以任其力縣師辨夫家人民田萊之數媒氏男女成

名以上書年月日名

春官天府祭天之司民獻民

數則受而藏之

夏官大司馬簡稽鄉民以用邦國

簡比數之

司土周知邦國都家縣鄙之數職方氏辨

人民財用九穀之數要

秋官小司寇大比登民數

自生齒以上登天府孟冬祀司民獻民數于王王拜

受之以圖國用進退之鄉士遂士縣士各掌其民數

而糾戒令司民登萬民之數自生齒以上皆書於版

三年大比以詔司寇孟冬祀司民之日獻數于王王

拜受之登于天府內史司會冢宰貳之小行人萬民

利害為一書康樂和親安平為一書

禮記內則子

生三月父名之宰書而藏之告閭史閭史書為二其一藏閭府一獻州史州史獻州伯州伯命藏州府

管子太史既布憲入籍于太府周語宣王三十九

年料民太原仲山父曰王治農于籍接于農隙耨穫

亦於籍獮於既烝狩於畢時是皆習民數者也

漢高紀五年五月詔民相聚保山澤不書名數注名

數謂戶籍也石慶傳元封四年關東流民二百萬

口無名數者四十萬注師古曰名數若今戶籍孔

霸傳子福還名數于魯

漢提封戶口

見墾田

郡國志注

晉志通典頗不

帝王世記曰孝

惠文景與民休息民衆大增至于孝平元始二年民

戶千三百一作二百二十二萬三千六百一十二作六

口五千九百一十九萬一作九萬四千九百七十八人

多周成王四千五百四十八萬五十五人漢之極盛

也光武中元二年民戶四百二十七萬千六百三十

四口二千一百萬七千八百二十人迄于孝和民戶

滋殖至孝威頗增於前永壽二年晉志云戶千六百

七萬九百六十六一作九口五千六萬一作五千六千

八百五十六人魏景元四年與蜀通計民戶九十四

萬三千四百二十三口五百三十七萬二千八百九十一人又案正始五年吳所領兵戶凡十三萬二千但其民數不能多蜀矣昔漢永和五年南陽戶五十餘萬汝南戶四十餘萬方之於今三帝鼎足不踰二郡自禹至今二千餘載六代損益備於茲焉志云至于孝順民戶九百六十九萬八千六百三十四千九百一十五萬二千二百二十注應劭漢官儀曰永和甲戶至千七十八萬口五千三百八十六萬九千五百八十八又帝王世紀永嘉二年戶則多九十七萬八千七百七十一口七百二十一萬六千六百三十

六未詳孰是伏無忌所記每帝最戶口及墾田大數光武中元二年戶四百二十七萬九千六百三十四口二千一百萬七千八百二十明帝永平十八年戶五百八十六萬五千七百七十三口三千四百一十二萬五千二十一章帝章和二年戶七百四十五萬六千七百八十四口四千三百三十五萬六千三百六十七和帝永興元年戶九百二十三萬七千一百十二口五千三百二十五萬六千二百二十九安帝延光四年戶九百六十四萬七千八百三十八口四千八百六十九萬七百八十九順帝建康元年戶九百九

十四萬六千九百十九口四千九百七十三萬五百五十

循吏傳王成為膠東相流民自占八萬餘口謂自隱

度其戶口而著名籍也黃霸為潁川大守戶口歲增元帝紀

建昭二年三月戶十二萬為大郡陳平傳高帝顧

問御史曲逆戶口幾何對曰始秦時三萬餘戶間者

兵數起多亡匿今見五千戶隋志漢平帝戶一千

二十三萬

漢戶籍

禮司會注版戶籍也漢之戶籍皆以版書之宮

戶口

伯注鄭司農云今時鄉戶籍謂之戶版漢高紀注

名數謂戶籍也石慶傳注名數若今戶籍仲長

統傳明版籍以相數閱審什伍以相連持

秦獻公十年初為戶籍相伍始皇十六年初令男子

書名 晉戶口

晉志劉備章武元年戶二十萬口九十萬孫權赤烏

五年戶五十二萬三千口二百四十萬通典魏平蜀

萬口九十四萬時魏氏惟有戶六十六萬三千四百晉

武太康元年平吳收其圖籍戶五十三萬吏三萬五

大凡戶二百四十五萬九千八百四十一千六百

一十六萬二千八百六十三此晉之一極盛也傳咸傳上書

曰禹分九州今之刺史幾向一倍戶口比漢十分之

一而置郡縣更多咸寧五年京帝紀興寧二年正

月庚戌朔大閱戶人嚴法禁稱為庚戌制宋書州

郡志以太康元康定戶互考隋志晉太康之後文

軌方同編戶二百六十餘萬魏志注案晉太康三

年地記晉戶有二百七十萬吳蜀戶不能居半天

平御覽晉令曰郡國諸戶口黃籍籍皆用一尺二寸

札已在官役者載名隋經籍志地理類元康六年

戶口簿記三卷

通典宋孝武大明八年戶九十萬六千八百七十口

四百六十八萬五千五百一陳氏威力所加不出荆

揚之域州有四十二郡唯一百九縣四百三十八戶

六十萬後齊戶三百三萬隋大業二年志云戶八百

九十萬七千五百三一作十六口四千六百一萬九

千九百五十六隋氏之盛極於此隋志南史荆揚

二州戶口居江南之半江左以來揚州為根本委荆

州以閩外隋書大業五年諸郡計帳進丁二十四

萬三千新附口六十四萬一千五百

南齊書太祖命黃門郎虞玩之等檢定黃籍建元二

嘉靖庚戌年

臣曰黃籍民之大紀國之治端虞玩之上表曰元嘉中光祿大夫傅隆年出七十猶手白書籍躬加隱校後魏書太和十年二月甲戌初立黨里鄰三長定民戶籍蘇綽傳綽始制文案程式朱出墨入及計帳戶籍之法

唐開元戶部帳 戶籍科品 州縣籍

通監開元十四年五月癸卯戶部奏今歲戶七百六萬九千五百六十五口四千一百四十一萬九千七百一十二十六年十二月是歲制戶籍三歲一定分為九等會要十八年十一月敕戶籍三年一造鄉別為卷總編三通定為九等二十九年二月敕造籍令州縣長官錄事參軍勘覆為兩本送戶部武德令三萬戶已上為上州五千戶以上為上縣量

戶口定州縣等第未錄 地理志開元二十八年戶

部帳戶八百四十一萬二千八百七十一口四千八百一十四萬三千六百九詳見采訪使會要武德

六年三月令天下戶量資產定為二等九年三月二

十四日詔為九等永徽五年二月八日敕二年一定

戶正元四年正月詔兩稅審定等第三年一定為常

式定戶等第武德六年三月令每歲一造帳三年一

造籍儀鳳二年二月二十四日敕裝潢省籍及州縣

籍天寶三載二月二十五日制天下籍造四本京師

東京尚書省戶部各貯一本十二載正月十二日敕

東京停籍帳大中九年閏四月以州縣差役不均每縣作差科簿送刺史書訖鎖於令廳

證聖元年

李嶠上表曰天下流散非一宜令御史督察設禁令

以防之垂恩德以撫之施權衡以御之為制限以一

之逃戶建中元年十二月定天下兩稅戶凡三百八

十萬五千七十六戶口數正元三年五月詔諸州戶

口減耗三分去二亦合省官元和二年十二月李吉

甫等撰元和國計簿十卷見定戶二百四十四萬二

百五十四十五道七十一州不申戶口數率以兩戶

辨六典天下之戶定為九等定戶以仲年造籍以

季年州縣籍留五比省籍留九比通鑑賦詔括天下

戶列傳楊瑒為戶部侍郎元宗嘗召宰相大臣議

天下戶版延英殿瑒言利病尤詳崔瓘為澧州刺

史增戶數萬詔進五階以寵異政楊炎為相初定

令有租賦庸調法自開元承平久不為版籍而戶部

歲以空文上之天寶中王鉷為戶口使以籍存而丁

不在乃按舊籍除當免者積三十年責其租庸炎疾

其散請為兩稅法戶無主客以見居為簿人無丁中

以貧富為差歲終以戶賦增失進退長吏天下利之

版籍不造而得其虛實李方元為池州刺史鈞檢

正德二年南河二
五母卷二十一
十八
月頁

戶籍差量徭賦皆有科品條章吏不得私常曰沈約
年八十手寫簿書蓋為此云

唐歷代戶口數

會要正觀二十年太宗問民部侍郎盧承慶歷代戶

口多少之數承慶敘夏殷迄周隋皆有依擬正觀勸

二百永徽三年七月二十二日丁丑通鑑云上問戶

部尚書高履行去年進戶多少奏進戶一十五萬因

問隋有幾戶奏隋開皇中戶八百七十萬今戶三百

八十萬永徽去大業末三十一萬六千六百餘戶顯慶二年十月上

幸許汝州問中書令杜正倫曰隋有幾戶奏如前開

元九年正月二十八日御史宇文融請檢察逃戶二

月乙酉詔作招攜法丁庚融充使奏置勸農判官長

安尉裴寬等二十九人並攝御史分往天下檢責田

疇招攜戶口皇甫景楊相如上疏以為煩擾不便寬

等使還得客戶八十餘萬田亦稱是十二年八月融

除中丞充安輯戶口使二十年戶七百八十六萬一

千二百三十六口四千五百四十三萬一千二百六

十五天寶元年戶八百三十四萬八千三百九十五

口四千五百三十一萬一千二百七十四載戶

八百九十一萬四千七百九口五千二百九十一萬

唐曆代戶口數

九千三百九此唐之極盛也 **通典**自武德初至天

寶末凡百三十八年可以比崇漢室而人戶纔比於

隋氏 天寶中編戶九百餘萬肅宗乾元三年見到帳

至大曆中唯存百三十萬戶建中初命黜陟使往諸

道按此戶口得主戶百八十八餘萬客戶百三十餘萬

共三百二十萬口四十六萬凡天下之戶八百一萬八千

七百一十口四十六萬二千二百六十一

開元二十二年 建隆版籍 至道版籍式 天禧計帳

元年十月有司請據諸道版籍數升降天下縣望以

四千戶以上為望三千戶以上為緊二千戶以上為

上千戶以上為中不滿千戶為中下仍三年一責戶

戶口

口之籍別定升降從之凡縣望五十戶二十八萬一

千六百七十緊六十七戶二十二萬八千六百九十

三上縣八十九戶二十萬八千二百八十中縣一百

一十五戶一十七萬九千三十中下縣一百十戶五

萬九千七百七十總九十六萬七千五百五十三戶

此國初版籍之數也 魯鞏曰大祖元年有州一百十

千三百五十三末年州二百九十七縣一千 乾德

元年 即建隆 十月庚辰詔天下造版籍及戶帖戶鈔

詔曰蕭何入關先取圖書沈約為吏手寫簿書 十二月初置形勢稅簿至道

元年六月己卯詔重造天下郡縣二稅戶口版籍放

其式於天下景德二年五月度支判官黃世長請令三司歲較耗登以聞

興國二年閏七月丁巳有司上諸州所貢閏年圖故事天下貢地圖版籍以閏為限咸平五年四月壬午詔三司以天下戶口數置籍較定以聞景德四年七月實錄三司使丁謂言景德三年新收戶三十三萬丙子二千九百九十八流移者四千一百五十總七百四十一萬七千五百七戶一千六百二十八萬二百五十四口比咸平六年增五十五萬三千四百十戶三百萬二千二百十四口賦入總千三百七十三萬一

千二百二十九貫石匹斤比咸平六年增三百四十六萬五千二百九十請以咸平六年戶口賦入為額歲校其數上史館從之祥符二年六月乙酉放招攜戶口旌賞條制天禧二年六月丙辰三司言每歲帳籍省九萬餘道三十四萬五千二百餘紙詔三司諸路計帳毋得增益以滋煩擾天聖元年十一月詔閏年所供實行版簿空文煩擾宜停之止以空行版簿催科明道二年十月庚子詔天下閏年造五等版簿先錄示之不實者聽民自言皇祐元年四月丁亥右司諫錢彥遠上勸農疏曰唐開元戶八百九十餘

萬而定墾田一千四百三十餘萬頃今國家戶七百三十餘萬而定墾田二百一十五萬餘頃逃廢之田不下三十萬頃是田疇不闢游手多也宜置勸農司以墾田頃畝戶口陂塘山澤溝洫桑柘著籍歲終轉運考較賞罰之上嘉納

開寶形勢版簿

四年正月詔諸州置形勢版簿熙寧四年四月曾孝寬奏罷之七月九日尋以產稅錢均定免役錢併罷五等戶簿五年六月一日今州縣版簿皆保甲簿也自以保甲催科而民始大困

戶口

寶元歷代戶數

寶元二年正月壬寅編脩院與三司上歷代天下戶數前漢千二百二十三萬三千六十二後漢千六百七萬七千九百六十魏九十四萬三千四百二十二晉二百四十五萬九千八百宋九十六萬六千八百七十後魏二百三十七萬五千三百六十八北齊三百三萬二千五百二十八後周三百五十萬隋八百九十萬七千五百二十六唐九百六萬九千一百五十四太祖朝二百五十萬八千九百六十五太宗朝三百五十七萬四千二百五十七真宗朝八百六十

五萬九千七百九十九寶元元年一千一十一萬四千二百九十先是上御邇英閣讀正說養民篇見歷代戶口登耗之數顧謂侍臣曰今天下民籍幾何梅詢對曰先帝所作蓋謂恭儉有節則戶口充羨賦歛無度則版籍衰減自五代之季生齒彫耗太祖受命而太宗真宗繼聖承桃休養百姓今天下戶口倍於前矣因詔三司及編修院檢閱以聞至是上之是歲天下主戶六百四十七萬九百九十五口千四百三十六萬九千九百五客戶三百七十萬八千九百九十四口六百十九萬五千四百二英宗治平三年

天下戶一千二百九十一萬七千二百二十一口二千九百九萬二千一百八十五神宗元豐六年戶一千七百二十一萬一千七百十三口二千四百九十六萬九千三百哲宗元祐六年戶一千八百六十五萬五千九十三口四千一百四十九萬二千三百一十一徽宗大觀二年戶增十二萬四千一百七十三口十九萬二千四十六高宗紹興三十二年戶一千一百十三萬九千八百五十四口三千三百一十一萬二千三百二十七孝宗乾道元年戶一千一百七十萬五千六百六十二口二千五百十七萬

九千一百七十七。光宗紹熙元年戶一千二百三十五萬五千八百口。二千八百五十萬二千五百五十八。

嘉祐戶口

國史志天禧末天下戶六百三萬九千三百三十一。而客戶不預焉。嘉祐八年合主客戶一千二百四十六萬二千三百一十一口。二千六百四十二萬一千六百五十一。治平三年戶增四十五萬四千九百一十一口。增二百六十七萬五百三十四。開寶末天下戶三道末戶四百十三萬二千五百七十六。天禧末戶六百三萬九千三百一十一。客戶不預。役出民乾興初始立限田法。自是數下詔督州縣長吏與

戶口

將運使議蠲死役以寬民力。異祐中稍欲寬里正牙前之法。命三司議慶曆中下令京西西河北陝西河東裁損役人。皇祐中韓絳奏襄論江南福建之敝。絳行鄉戶五則之法。襄請以產錢少定役重輕。至和中命與三司置司參定。因行五則法。時益欲去民其苦。置寬郵民力司。遣使四出。自是州縣力役多所裁損。凡省二萬三千六百二十六人。

鄉五家為比。五比為閭。四閭為族。五族為黨。五黨為州。五州為縣。遂五家為鄰。五鄰為里。四里為鄣。五鄣

一萬五千八百一十

一萬五千八百一十

四十四

為師五部為縣五縣為遂軍五人為伍五伍為兩四
兩為卒五卒為旅五旅為師五師為軍井牧九夫為
井四井為邑四邑為丘四丘為甸四甸為縣四縣為
都謂易以淵知其多也所掌二十五家謂諸掌百
家謂師掌五百家都謂師正掌二千五百家謂州掌高
千五百家謂遂人遂大夫謂遂師遂士
處師八家而為鄰三鄰而為朋三朋而為里五里而
為邑十邑而為都十都而為師州十師謂二師為家不
盈三口者謂由命士以上不朋洛誥帝或謂鴉謂
子五家為伍十伍為里四里為扁扁為之長十扁為

鄉其上為縣為郡 周書大聚云五戶為伍以首為
長十夫為什以年為長王若欲來天下之民先設其
利而民自至譬若冬日之陽夏日之陰不召而民自
來 中論民數篇先王制六鄉六遂之法所以維持
其民也 陸贄曰古之王者設井田之法以安其業
立五宗之制以綴其恩猶懼其未也又教之族墳墓
敬桑梓因人之志定人之居又督以出鄉遊墮之禁
糾以版圖比閭之方 通典曰古之為理在周知人
數乃均其事役周官有比閭族黨鄉遂之制維持其政
綱紀其人孟冬獻民數于王王拜受之其敬之守之

如此其重也及理道垂方版圖脫漏人如鳥獸飛走莫制家以之乏國以之貧

縣

縣萬戶以上為令子國也千戶為長男國也黃恭云

周百縣

說文周制天子地方千里分為百縣縣有四郡故春秋傳曰上大夫受郡是也至秦初置三十六郡以監其縣史記正義引風俗通云同上陳氏曰周官有在鄉之縣有在遂之縣有采邑之縣有間田之縣故王畿謂之縣

漢聞喜縣

志河東郡聞喜故曲沃秦改為左邑武帝元鼎六年行過更名

漢獲嘉縣

志河內郡獲嘉故汲之新中鄉武帝行過更名見前本朝天聖四年以懷州獲嘉隸衛州

漢新豐縣

志京兆新豐秦曰驪邑高祖七年置應劭曰大上皇思東歸高祖改築城寺街里以象豐徙豐民以實之故號新豐潘岳西征賦摹寫舊豐制造新邑故社

易置扮榆遷立街衢如一庭宇相襲

注引三輔舊事西京雜記

漢破羗縣

志金城郡破羗縣神爵二年置

晉懷德縣

元帝紀太興三年七月丁亥詔先公武王先考恭王

臨君琅邪四十餘年惠澤加百姓遺愛結人情朕創

基江表兆庶宅心繼負子來琅邪國人近有千戶在

此今立為懷德縣統丹楊郡優復之科一依漢氏沛

及南頓故事

成帝咸康元年立南頓琅邪郡

唐平陸縣

縣

見銘類

唐明堂縣

見明堂

會要京兆府萬年縣總章元年祈置明堂縣以鄧

為今長安二年六月二日廢涇州鶉觚縣天寶元年

八月二十四日改為靈臺縣河南府河南縣垂拱二

年改為合宮縣神龍元年正月復舊紀總章元年

二月己卯分長安萬年置乾封明堂二縣分理於京

城之中

太平興國平晉縣

九域志建隆二年以太原府晉陽縣建平晉興國

三

三

四

五

四年廢為平晉縣太原府初廢為州

太中祥符奉符縣


元年十月丁未法駕入乾封縣奉高宮辛亥享天於
園臺太祖太宗並配壬子祭地祇禪社首癸丑御朝
觀壇受朝賀大赦改乾封縣為奉符縣兗州
慶曆中范仲淹執政謂天下亦多故役蓄而民瘠首
廢河南府諸縣欲以次及他州當時以為非是未幾
悉復

風俗通周禮百里曰同所以獎王室協風俗

大傳五里為一邑春秋正義曰禮四甸一縣縣方
十里周書作雒篇千里百縣六千里者為方百里
可縣方百里則出車百乘晉書有四十縣遺守四千里
具縣別有百乘與作雒之言合

三才圖會

卷之五



此書係由... 印刷

